



Akeqanngitsumik ineqarneq pillugu akileraarutitigut suliarinnineq



Ilitsersuut – Maaji 2026

1. Aallarniutigalugu oqaaseqaatit

Ilitsersuut una Kalaallit Nunaanni akeqanngitsumik ineqarnerup akileraarusersorneqartarneranik suleriaaseq pillugu inuit, sulisitsisut kiisalu suliffeqarfiit paasissutissiiffiginissaannik siunertaqarpoq.

Akeqanngitsumik ineqartitaanerup nalinga 2022-mi ukioq ilanngullugu isertitatut A-tut akileraaruserneqartassaaq, aningaasarsianit akileraarutit pillugit inatsimmi § 75, imm. 1, nr. 4 naapertorlugu. Akeqanngitsumik ineqartitaanerup akileraarusernerata aningaasarsiat A-nut ilaasutut inissinnerata kingunerisaanik nalunaarutiginninneq kiisalu eqqortumik akileraarutip unerartinnera sulisitsisup akisussaaffigilerpaa pisussaaffigilerlugulu.

Nassuiaataa: Aningaasarsianit akileraarutit pillugit inatsimmi § 19 a-mi, akeqanngitsumik ineqartitsineq, atorfinitsitaanermut ilaatillugu atugassanngortinneqartoq, tassani atorfeqartoq tamakkiisumik akiliisinnagu, inissiatut nassuiarneqarpoq. Tassani akeqanngitsumik ineqartitsinerup saniatigut utaqqiisaasumik ineqarneq aamma utaqqiisaasumik ineqartinneqarneq aamma ilaapput.

Atorfinitsitaanermut tunngasut saniatigut inuup, siulersuisunut, ataatsimiititalianut, siunnersuisooqatigiinnut, aalajangiisartunut imaluunniit allanut ataatsimoorlutik oqartussanut, matumani ilanngullugit Naalakkersuisut, Inatsisartut aamma kommunalbestyrelsit, ilaasortatut imaluunniit ikiortitut toqqagaasimasup, akeqanngitsumik ineqartitaanissaminik tunineqartarnera pineqarpoq. Tamanna amerlanerussuteqartunik aktiaatilinnut aamma atuuppoq, tassani ingerlatseqatigiiffik inissiamik atugassiisartuulluni.

Akeqanngitsumik ineqartitaaneq eqqartorneqartillugu atorfilik inissiap imaluunniit utaqqiisigalugu inissiap nalinganit minnerusumik akiliisarnera aamma pineqartarpoq. Tamanna ilaannikkut taaneqartarpoq ilaannakortumik akilimik ineqartitaaneq.

Akeqanngitsumik ineqartitaanerup akileraarusersuisarnerup inatsisitigut tunngaviusoq § 19 a-mi allassimavoq.

1.1. Pingaarnertut tunngaviusut

- Akeqanngitsumik ineqartitaanermut atuisinnaaneq akileraaruserneqarpoq. Inissiap atorineqarnera pineqanngilaq.
- Inissiaq atugassanngortinneqartoq nunami (imaluunniit nunami allami) apeqqutaanngilaq.
- Akeqanngitsumik ineqartitaanerup nalingata akileraaruserneqartussaanaera pineqarpoq. Nalinga ingerlatsinerup aningaasaatinillu iluanaartutit aallaavigalugit IA-mi malittarisassani § 19 a, imm. 2 naapertorlugu aalajangersaaffigineqassaaq. Akeqanngitsumik ineqartitaanerup akileraarusernera Ingerlatsinerup akiliut (ukiumut ataatsimut m²-llugu naatsorsorlugu) aningaasaliissutit iluanaarutaannik ilallugu naatsorsorneqassaaq.
- Innaallagissamik, imermik kiassarnermillu atuinerup nalinga aamma akileraaruserneqassaaq, tamanna sulisitsisup tamakkiisumik ilaannakuusumilluunniit matussuserlugu akilissappagu.
- Akeqanngitsumik ineqartitaaneq aningaasarsiatut A-tut akileraaruserneqassaaq, sulisitsisullu nalunaarsorsimaffiannut Sulinal-imut qaammatikkaartumik nalunaaruteqarnermi ilanngullugu nalunaarutigineqassalluni.
- Akeqanngitsumik ineqartitaaneq inigisamut iserternermiit inigisamit aninissap tungaanut ullut amerlassusaat tunngavigalugit akileraarusersuisoqassaaq.
- Utaqqiisaasumik inigisat nalingi init amerlassusaat aallaavigalugit, atuuffiit amigaataaratarsinnaasut ilanngaatilugit akileraarusersorneqartassapput.
- Inip akeqanngitsumik ineqartitsiviusartup nalinga ukiumut akigititanik nalimmassarneqaraangata naleqqussarneqartarpoq. Akigititat nalimmassaatai Akileraarusernerup Aqutsisoqarfiup nittartagaa www.AKA.gl aqqutigalugu ukiumut ataasiarluni tamanut saqqummiunneqartarpoq, aamma 'Nalunaarutit' ataanni nassaarineqarsinnaapput.
- Sulisitsisooq nalunaaruteqarnissamut pisussaaffeqarpoq. Sanaartornissamut suliniummut pilersuisooq sulisuminut, Kalaallit Nunaannut akileraartussaataasumut, inimik attartortitsippat atukkiippalluunniit tamanna tassunga aamma atuuttarpoq. Sulisitsisup nalunaaruteqarfigisartagaanut nalunaaruteqartoqassaaq; tassa Sulinal.nanoq.gl imaluunniit Danmarkimi Kalaallit Nunaata Sinniisooqarfia aqqutigalugit nalunaaruteqartoqassaaq.
- Akeqanngitsumik imaluunniit ilaannakortumik akilimmik inissiamik akeqanngitsumik atuinerup sulisooq nammineerluni akilersuinngippat, tamanna akeqanngitsumik ajunngitsorsiaassaaq aamma akileraarutaasussaaq.

Ini atorfeqalertumut namminersortut imaluunniit pisortat inaatigineraat apeqqutaatinnagu aamma qanorluunniit atorfinitsitsineq iluseqaralarpat ataavartumik atorfeqarnermut atatillugu inigisap akeqanngitsumik inigitinneqarneranut akileraartussaataaeramik malittarisassat atuutissapput.

Atorfilik nammineq INI A/S imaluunniit ISERIT aqutigalugit inip attartorneranut akilersuisimassappat, akeqanngitsumik ineqartinneqarneq pineqarsimassangilaq.

2. Akeqanngitsumik ineqartitaanerup nalinganik naatsorsuineq

Inissiap nalinga akileraarutaasussa q ilisimalerniarlugu kvadratmeterit amerlassusaat, inissiap qanoq ittuunera aamma pisiarinerata nalinga/sananerata nalinga + pitsanngorsaataasinnaasut nalingi ilisimalernissaat pisariaqarput.

Nalinga tassaavoq: Ingerlatsinermit akiliut + aningaasaliissutinit iluanaarutit

Ingerlatsinermit akiliut tassaavoq: Illup qanoq ittuunera apeqqutaalluni, m² amerlassusai ukiumut ataatsimut akigititanut naleqqussakkamik ingerlatsinermit akiliummik amerlisarneqassapput. Illut qanoq ittuussusii ilaqutariinnut illunut affarleriinnullu imaluunniit ilaqutariinnut arlalinnut illunut immikkoortiterneqartarput.

Aningaasaliissutinit iluanaarut tassaavoq: Aningaasaliissutinit iluanaarut illup pisiarinerata nalinga imaluunniit sananerata nalinga, nutarterinermit, allanngortiterinermit pitsanngorsaanerimullu aningaasartuutininik qaavisigut 1,5 %-nik ilallugit, naatsorsorneqartarpoq. Immersugassami 'kvm-mut ataatsimut pisiarinerata nalinga' allaffissaq immersorneqarsimassangippat, annerpaaffissamut killiliussa q atorneqassaaq.

Assersuut: Maliup atorfeqarneranut atasumik sulisitsisup inissiamik neqeroorfigaa. Inissiaq affarleriiuvoq.

Ingerlatsinermut akiliut 2026-mi akigitat malillugit ima akeqarpoq: $97 \text{ m}^2 \times 504 \text{ kr.} = 48.888 \text{ kr.-nit.}$

Pisierinerata nalinganit 1,5 %-it aningaasaliissutit iluanaarutigisarpaat: $2.500.000 \text{ kr.} \times 1,5 \% = 37.500 \text{ kr.}$

Taamaalilluni aningaasat akileraaruserneqartussat tamarmiusut ima amerlatigilerput: $48.888 \text{ kr.} + 37.500 \text{ kr.} = \text{ukiumut ataatsimut } 86.388 \text{ kr.-nit.} /12 \text{ qaamm.} = 7.199 \text{ kr. qaammammut}$

Assersuut: Jack aamma Rose sulisitsisumi ataatsimi atorfinitsinneqarput. Inissiaq ataaseq ataatsimoorlutik atorsinnaavaat.

Ingerlatsinermut akiliut 2026-mi akigitat malillugit ima akeqarpoq: $100 \text{ m}^2 \times 559 \text{ kr.} = 55.900 \text{ kr.-nit.}$

Aningaasaliissutinit iluanaarutit ima amerlatigippit: $2.000.000 \text{ kr.} \times 1,5 \% = 30.000 \text{ kr. ukiumut ataatsimut.}$

Taamaattumik inissiap ukiumoortumik akileraaruteqarfiginissaanut suliarinninneq ima aningaasartaqassaaq: $30.000 \text{ kr.} + 55.900 \text{ kr.} =$

2026-mi ukiumut ataatsimut 85.900 kr. $85.900 \text{ kr. ukiumut/ qaamm. aqqaneq marluk} = 7.158 \text{ kr. qaammammut}$

Sulisitsisoq ima iliuuseqarsinnaavoq:

1. Jack aamma Rose ataatsimoorlutik inissiamik tunineqassappata: Jackip aamma Rosep inigisartik akilertartussaangimmassuk ajunngitsorsiassat 3.579 kr.-niusut Jackip Rosellu akissarsiaasa allagartaanut aningaasarsiatut A-tut nalunaarutigisinnaavai.
2. Aappaannaa inissiamik tunisissappat: Aappaata akissarsiaasa allagartaanut aningaasarsiatut A-tut 7.158 kr.-nit nalunaarutigisinnaavai.



2.1 Annerpaaffissap killinga aamma minnerpaaffissap killinga

Illup sananerata nalinga/sanaartorneqarnerata nalinga m²-mut nalinga minnerpaamik annerpaamillu killinga ukiumoortumik aalajangersarneqartarpoq. Annerpaaffissap killinga m²-mut 35.560 kr.-nik ukiumut akigititatut 2026-mit aaqqiiffigineqartarpoq. Minnerpaamik killinga m²-mut 7.479 kr.-uvoq. Sananerata nalinga/sanaartorneqarnerata nalinga pissarsiarineqarsinnaangikkaangat, sulisitsisup niuernermi naliliineq taamaallaat atorsinnaavaa.

Pisierinerata nalinga m²-mut 7.479 kr.-nik mikinerugaangat, pisierinerata nalinga ikkussugassani ataatsimoortuni arfinilinni tamani immikkut 1000 kr.-nik millisinneqarsinnaavoq, soorlu inissiami perusuersartarfik kuutsittagaq imaluunniit uffarfik amigaataappata.

- Uffarfik imaluunniit perusuersartarfik kuutsittagaq.
- Qitiusumiit kiassarneqarneq, kissarsuut uuliatortoq imaluunniit kissarsuut innaallagiartortoq.
- Innaallagialaq.
- Imeq imaluunniit tanki imermik immertagaq.
- Gassi imaluunniit innaallagialaq atorlugu qalatsitsisarneq.
- Mineraluldit 250 mm.-inik saannerit atorlugit natit, qilaat iikkallu oqorsarneqarsimappata. Oqorsaasersuinissamut atortut allat atorneqarsimassappata, oqorsaait mineraluldit piginnaasalittut naatsorsorneqassapput.

Ikkussugassanik ataatsimoortunik arfinilinnik tamanik amigaateqartoqarpat, pisierinerata m²-mut nalingata akia minnerpaamik 1.000 kr.-nimut aalajangersarneqarsinnaavoq.

Assersuut Sulisitsisup inissiaq Maannguumut atugassanngortippaa. Taanna Inissiamut 100 m²-mut nuuppoq, pisierinerata nalinga pitsaanerulersitsinerit ilanngullugit 500.000 kr.-uvoq. Tamanna m²-mut akigititamut 5.000 kr.-mut naapertuuppoq, taannalu nalinginnaasumik m²-mut minnerpaamik akigititamit, 7.658 kr.-mit, minneruvoq. Inissiami ikkussugassani ataatsimoortuni pingasut amigaataapput, soorlu perusuersartarfik kuutsittagaq, uffarfik aamma kiassarnermut atortulersuutit. Taamaattumik ikkussugassatut amigaataasut pingasut tamarmik immikkut m²-mut 1.000 kr.-nik akikillisaaffigineqarput.

Ilanngaatiip taassuma kingorna pisierinerata nalinga . m²-mut 4.658 kr.-nut aaqqiiffigineqarpoq, pisierinerata nalinga ataatsimut 400.000 kr.-nut ataatsimut aaqqiiffigineqarluni. Pisierinerata nalingata 1,5 %-imik aaqqiiffigineqarnera aningaasaliissutinit iluanaarutitut naatsorsorneqassaaq, taakkulu ukiumut 6.000 kr.-nit

pissarsissutigineqassallutik. Illut uiguleriaat pineqarmata 2026-mi ingerlatsinermit akiliut m²-mut 559 kr.-voq, taanna inissiamut tamarmut ukiumut 55.900 kr.-nik naleqarpoq. Aningaasat ataatsimut katitat, akileraarusigassatut sulisitsisumit nalunaarutigineqartussatut ilannguttut qaammammut nassuiaammut ilaasut ukiumut 61.900 kr.-niupput. Ukiumut 61.900 kr.-nit qaammammut 5.158 kr.-nik nalillit, sulisitsisup qaammatit tamaasa ajunngitsorsiat aningaasarsiatut A-tut Sulinal.nanoq.gl-imut nalunaarutigisassavai aamma Maannguup inigisani nammineq akilerneq ajormagu Maannguup akissarsiaasa allagartaani paasissutissiissutigisavai.

Assersuut Sofiannguaq atorfinitsitaanerminut atatillugu inissiamut nuuppoq. Inigisaq inissiaavoq 100 m²-usoq, taassuma pisiarinerata nalinga 5.000.000 kr.-uvoq pitsanngorsaanerit ilanngullugit.

Ingerlatsinermit akiliut m² aamma 2026-mi illup qanoq ittuunera tunngavigalugit naatsorsuisoqassaaq, tassa ima 100×559 kr.-nit = ukiumut ataatsimut 55.900 kr.-nit.

Aningaasaliissutinit iluanaarutit pisiarinerata nalinganit, 5.000.000 kr.-niusunit, naatsorsorneqassapput. Taamaattorli m²-mut 50.000 kr.-nik naleqarmat, annerpaamik pisiarinerata nalinga pillugu malittarisassat atuutilissallutik.

Taanna 2026-mi m²-mut 36.413 kr.-uvoq. Inissiamut 100 m²-tut angitigisumut aningaasaliissutinit iluanaarut 3.641.300 kr.-nit aallaavigalugit naatsorsorneqassaaq.

$3.641.300 \text{ kr.} \times 1,5 \% = 54.620 \text{ kr.}$

Taamaalilluni aningaasat akileraaruserneqartussat tamarmiusut ima amerlatigilerput: $55.900 \text{ kr.} + 54.620 \text{ kr.} = 110.520 \text{ kr.}$ 2026-mi ukiumut ataatsimut Ukiumut 110.520 kr.-nit qaammammut 9.210 kr.-nik naleqarmata, sulisitsisup qaammatit tamaasa ajunngitsorsiat aningaasarsiatut A-tut Sulinal.nanoq.gl-mut nalunaarutigisassavai aamma Sofiannguup inigisani nammineq akilerneq ajormagu akissarsiaasa allagartaani paasissutissiissutigisassallugit.

2.2 Illumi pequtit

Inissiami akeqanngitsumi pequtit nalingi inissiap nalinganit malittarisat malillugit procentip ilaattut aalajangerneqassapput. Pequtit immikkut nalilerneqarneq ajorput, kisianni illup nammineq nalingata 5 %-timik aalajangiunneqartup naleqataanik angissusiliulluni aalajangersaasoqassaaq. Pequtit nalingisa nalinginnaasumik inissiap angissusaanut, pisoqaassusaanut qanorlu pitsaassuseqarneranut ersersitsisutut aaqqissuussineq tunngaveqassaaq. Illu nutaaq nutaaliaasorlu inissiamut pisoqaanerumut naleqqiullugu pisarnertut pequtinik naleqarnerusunik atortulersorneqarusuttarpoq, taamaattumillu inissiap ataatsimoortumik nalinga pequtit nalinginut naapertuutissapput. Ilusiliussap taassuma ajornaatsumik assigiiaartumillu naatsorsuineq qulakkiissavaa.

Assersuut Nivi ingerlatseqatigiiffimmi pingaarnertut aktiaateqarpoq inissiamillu atugassinneqartarluni. Inissiaq ilaqutariinnut ataatsinut illuuvoq 72 m²-mik angissusilik, pisiarineqarata nalinga 1.500.000 kr.-ulluni. Ingerlatsinermut akiliut 2026-mi akigitat malillugit ima akeqarpoq: 72 m² × 504 kr. = ukiumut ataatsimut 36.288 kr.-nit.

Aningaasaliissutinit iluanaarutit ima amerlatigippat: 1.500.000 kr. × 1,5 % = 22.500 kr. ukiumut ataatsimut. Taamaattumik aningaasat tamarmiusut akileraaruserneqartussat ima amerlatigaat: 36.288 kr. + 22.500 kr. = 58.788 kr. 2026-mi ukiumut ataatsimut

Inissiaq pequsersugaammat nalinganut 5 % tapiliunneqarpoq. 58.788 kr. + 5 % = 61.727 kr.-nit 2026-mi ukiumut ataatsimut. Ukiumut 61.727 kr.-nit qaammammut 5.144 kr.-nik naleqartut, sulisitsisup qaammatit tamaasa ajunngitsorsiat aningaasarsiatut A-tut Sulinal.nanoq.gl-mut

nalunaarutigisassavai aamma Nivip inigisani nammineq akilersunngimmagu, akissarsiaasa allagartaani paasissutissiissutigissavai.

2.3 Atuineq

Akeqanngitsumik imaluunniit ilaannakortumik akilimmik inissiamik akeqanngitsumik atuinermut sulisoq nammineerluni akilersuinngippat, tamanna akeqanngitsumik ajunngitsorsiaassaaq aamma akileraarutaasusaaq.

Inissiat arlallit uuttut avitseqataaffigippassuk, inissiap ataatsip atuineranut immikkut akiliinissaq suliarineqarsinnaajunnaarsillugu, atuinermut aningaasartuutit akileraaruserneqarnissaannut tunngaviusoq naammaginartumik agguarlugu sulisitsisup nalunaarutigisariaqassavaa.

Assersuut Anda ingerlatseqatigiiffimmi pingaarnertut aktiaateqaruni illulu nammineq pigalugu, ingerlatseqatigiiffilli qaammammut 2.000 kr.-nik solarimut, innaallagissamut imermullu qaammammut 400 kr.-nik akiliisarluni, tassa katillugit 2.400 kr.-nit akilertarlugit, taava aningaasat taakku akissarsiat allagartaanni qaammammut aningaasarsiatut A-tut ajunngitsorsiatut akileraaruserneqartussaassapput.

2.4 Ilaanakortumik akilimmik ineqarneq / nammineq akiliut

Sulisup inissiaq sulisitsisuminut akilertarpagu, aningaasalli akeqanngitsumik ineqartitaanerup nalinganit ikinnerusut akiliutigisarlugit, sulisoq nikingassummut akileraarusersorneqartassaaq.

Akileraartarnermut Aqutsisoqarfiup ilaanakortumik akeqanngitsumik ineqartitaaneq pineqarnerseqqullugu akeqanngitsumik ineqartitaanermut naatsorsuinermit immersugassap atornerqarnera sulisitsisunut innersuussutigaa. Immersugassaq www.AKA.gl-ip ataani Inuussutissarsiut / Sulisitsisunik nalunaarsuiffiup / Ajunngitsorsiat akeqanngitsut nassaarineqarsinnaavoq.

Pisortat namminersorlutillu sulisitsisut naatsorsuinermit immersugassaasa assigiinngitsuuneri malugikkit.

Assersuut Maria pisortani atorfeqarpoq. Illoqarfimmi atorfiniffigisamini illumik 72 m²-mik pisiarinerani 800.000 kr.-nik nalilimmik atugassinneqarpoq. Marie taassumalu sulisitsisua isumaqatigiippuit inissiaq qaammammut 2.000 kr.-inik akilertassagaa.

Ingerlatsinermit akiliut 2026-mi akigitat malillugit ima akeqarpoq: $72 \text{ m}^2 \times 504 \text{ kr.} =$ ukiumut ataatsimut 36.288 kr.-nit.

Aningaasaliissutinit iluanaarutit ima amerlatigippuit: $800.000 \text{ kr.} \times 1,5 \% = 12.000 \text{ kr.}$ ukiumut ataatsimut. Taamaattumik inissiap ukiumoortumik akileraaruteqarfiginissaanut suliarinninneq ima aningaasartaqassaaq: $36.288 \text{ kr.} + 12.000 \text{ kr.} = 48.288 \text{ kr.}$ 2026-mi ukiumut ataatsimut

Inissiaq pequsersugaammat nalinganut 5 % tapiliunneqarpoq. $48.288 \text{ kr.} + 5 \% = 50.702 \text{ kr.}$ -nit 2026-mi ukiumut ataatsimut.

50.702 kr. ukiumut/ qaamm. aqqaneq marluk = 4.225 kr. qaammammut 2.000 kr.-nit akilertagai ilanngaatigalugit. Sulisitsisup aningaasat Sulinal.nanoq.gl-imut nalunaarutigisartussaavai aamma Mariap akissarsiaata allagartaani isertitatut A-tut paasissutissiissutigisussaallugit.

Assersuut Malik sulisitsisumi namminersortumik atorfeqarpoq. Malik illumik 110 m²-mik pisiarinerani 2.500.000 kr.-nik nalilimmik atugassinneqarpoq.

Ingerlatsinermit akiliut 2026-mi akigitat malillugit ima akeqarpoq: $110 \text{ m}^2 \times 504 \text{ kr.} =$ ukiumut ataatsimut 55.440 kr.-nit.

Aningaasaliissutinit iluanaarutit ima amerlatigippuit: $2.500.000 \text{ kr.} \times 1,5 \% = 37.500 \text{ kr.}$ ukiumut ataatsimut. Taamaattumik inissiap ukiumoortumik akileraaruteqarfiginissaanut suliarinninneq ima aningaasartaqassaaq: $55.440 \text{ kr.} + 37.500 \text{ kr.} = 92.940 \text{ kr.}$ 2026-mi ukiumut ataatsimut

92.940 kr. ukiumut/ qaamm. aqqaneq marluk = 7.745 kr. qaammammut

Malik akissarsiat allagartaa aqutigalugu inigisaminut 7.000 kr.-nik akiliisarpoq. Sinneruttut 745 kr.-nit akissarsiat allagartaa aqutigalugu aningaasarsiatut A-tut akileraaruserneqassapput. Sulisitsisup ajunngitsorsiat akeqanngitsut 7.745 kr.-nit aamma inimit akiliutai Sulinal.nanoq.gl-mut paasissutissiissutigissavai aamma Malik inigisaminut ilaannakortumik akiliisarmat Maliup akissarsiaata allagartaa aqutigalugu paasissutissiissutigissavai.

3. Akeqanngitsumik imaluunniit utaqqiisaasumik inissiat nalingi

Inatsisartut 2012-mi ukiakkut ataatsimiinnerminni utaqqiisaasumik inissiat 2013 aallarnerfigalugu atuutilersumik akileraaruserneqarneri akuersissutigaa.

Nassuiaataa: Utaqqiisaasumik inissiat utaqqiisaasumik inissiatut atuuttut, pisortani atorfilittut sulisunut inissianik pisinnaatitaasunut, ataavartumik inissiamik atunngitsoqartinnagu, atugassiissutigineqartarput.

Utaqqiisaasumik inissiat inissiatut paasineqassapput matumani *pisortani* atorfinitsitaanermut atatillugu ataavartumik inissiamik tunineqarnissaq sioqqullugu ineeqqat, inissiaaqqat il.il. inigitinneqartut ilanngullugit.

Allatut pisoqartillugu utaqqiisaasumik inissiatut ineqartitsisoqarsinnaavoq, soorlu akunnittarfiit inissiaataanni, atorfilik ataavartumik inissaminut toqqaannartumik tamatuma kingorna nuunnani utaqqiisaasumilli inissiamut allamut nuutsinneqassaaq.

Utaqqiisaasumik inissiat inatsisitigut assigiinngissuteqanngillat, taamaattumik tulliani utaqqiisaasumik inissianik taamaallaat taagorneqassapput.

Malugiuk: Pisortani sulisunuinnaq utaqqiisaasumik inissiap akileraaruserneqartarneranut malittarisassat atuupput. Atorfeqartup ataavartumik inissiaq pissarsiarineqariapat utaqqiisaasumik inissiamit piffissap sivikitsup iluani qimatsinissaanik tamanna piumasaqaatitaqarpoq.

Akeqanngitsumik imaluunniit utaqqiisaasumik inigisat, pisortanit atugassiissutigineqartut, nalingi inissiap angissusia malillugu qaammammut akigititat ataani allassimasutut aalajangersarneqartarput. Sulisut utaqqiisaasumik inissianiittut utaqqiisaasumik inissiaq ilisimatinneqarnerup kingorna sivikitsumik piffissalerlugu qimanneqarsinnaasoq akuersaagassarigaat akigititap takutippaa.

	2026-mi akigititat
Ini ineerarlunniit ataaseq, inoqatigiit saniatigut inuit allat igaffinnut perusuersartarfinnulluunniit isersinnaatillugit.*	1.093 kr.
Namminerisamik inissianut 1-mik 2-nilluunniit ineerartalinnut.	2.188 kr.
Namminerisamik inissianut 3-nik ineerartalinnut.	2.734 kr.
Namminerisamik inissianut 4-nik ineerartalinnut.	3.829 kr.
Namminerisamik inissianut 5-nik sinnerlugilluunniit ineerartalinnut.	4.922 kr.

* utaqqiisaasumik inigisat tassaasinnaasarput akunnittarfimmi ineqarneq, angalaartunut akunnittarfianni ineqarneq imaluunniit inissiami inoqutigiit akileraartussaataasunut ilaanatik najugaqartunik ineqateqarnerit pisut ilaanni naammattuugassaasarput.

Assersuut Hans, Avannaata Kommuniiani atorfilik atorfininnerminut atatillugu utaqqiisigalugu inissiamut nuuppoq. Qaammat ataaseq qaangiuttoq Minik kommunimi aamma atorfilik inissiamut tassunga nuuppoq. Imminnut ilisarimangillat Hansip Miniullu igaffimmi perusuersartarfirmilu atortut atortaramikkik, inimut ataatsimut namminerminnut atugassiissutigineqartunut qaammammut 1.093 kr.-nik akileraarutissinneqarput. Hansi allamut nuummat Minik tassani kisimi najugaqalerpoq – namminerisamik inimik ataatsimik initalimmik maannakkut atugassinneqarami – aamma inigisani nammineq akilerneq ajoramiuk 2.188 kr.-nik akileraaruserneqartalerpoq.

Attartorneq pillugu inatsimmit nassuiaatini init amerlassusaat nassuiarneqarput. Soorlu Inissiami sisamanik initalimmi sinittarfiit pingasuupput, isersimaartarfik ataaseq, kiisalu uffarfik/perusuersartarfik igaffillu.

Aningaasarsianit akileraarutit pillugit inatsimmi § 19 c naapertorlugu ukiumoortumik akigititanut nalimmassaanermi procenti atorlugu aningaasat nalimmassarneqassapput. Akigititani utaqqiisaasumik inissiami inissiap pequtaanik atorneqarneri aamma ilaapput. Suleqat utaqqiisaasumik inissiamiinnermini innaallagissamik, imermik kiassarnermillu atuisoq aamma akileraaruserneqartarpoq. Inuit utaqqiisaasumik inigisaq ataatsimoorullugu inigippassuk imaluunniit inimik ataatsimoorussamik atuisinnaappata, inissiap ataatsip atorneranut immikkut akiliinissaq suliarineqarsinnaanani, atuinermut aningaasartuutit akileraaruserneqarnissaanut tunngaviusoq naapertorlugu naammaginartumik sulisitsisoq agguaalluni nalunaarutiginnittariaqassaaq.

Assersuut: Aviaja, Namminersorlutik Oqartussani 2026-mi atorfinittoq atorfininnerminut ilaatillugu utaqqiisaasumik inissiamut pequsersukkamut nuuppoq. Taanna namminerisamik inissiatut pingasunik initalittut naleqartinneqarpoq. Taamaattumik Aviaja inigisani nammineq akiliineq ajorami atuineq ilanngullugu qaammammut 2.734 kr.-nik akileraartussaataavoq.

4. Akeqanngitsumik ineqarnerup nalinga

Atorfilik inissiami, sulisitsisumit atugassanngortinneqarsimasumi, najugaqarpat, inissiamilu inuit sulisup ilaqutarinngisai allat najugaqartillutik, akeqanngitsumik ineqarneq atuutilertarpoq. Ataatsimoorussamik igaffilinnik uffartarfilinnillu imaluunniit containerimi inissiaq assigisaannilu inissarsisitsineq matumani aamma ilaavoq.

Nassuiaataa: Akeqanngitsumik ineqartinneqarneq tassaavoq; atorfillit – inissiami igaffeeqqamik atuisinnaatillugit - ineeraqartinneqarneri imaluunniit inissiaaqqamiitsinneqarneri.

Akeqanngitsumik ineqarnermut akigititaq ataasiinnaavoq. Ukiumoortumik akigititat nalimmassarneqartarnerisa allanngorsinnaaneri tunngavigalugit 2026-mi ukiumut akigititaq 19.146 kr.-inut aalajangersarneqarpoq. Akigititaq Akileraartarnermut Aqutsisoqarfiup nittartagaani AKA.gl-imi nalunaarutit ataani tamanut saqqummiunneqassaaq.

Assersuut: Peter ineeqqamik tunineqarpoq, taanna containeriuvoq inissiatut atorineqartartoq perusersartarfitalik igaffeerartalillu. Akeqanngitsumik inissinneqarneq 2026-mi ukiumut 19.146 kr.-mik naleqarpoq.

19.146 kr. ukiumut/ qaamm. aqqaneq marluk 1.596 kr.-nit qaammammut akissarsiat allagartaa aqutugalugu aningaasarsiatut A-tut akileraaruserneqassapput.

Peter akissarsiat allagartaat aqutugalugu ineqarnermut 1.300 kr.-inik akiliisartuuguni, aningaasat sinneri 296 kr.-it aningaasarsiat allagartaat aqutugalugu qaammammut isertitatut A-tut akileraaruserneqassapput.

Tammaarsimaarfiit

Malugiuk, Aningaasarsianit akileraarutit pillugit inatsimmi § 19a imm. 5 aamma imm. 6 naapertorlugu aatsitassarsiorfiup iluani sulisut tammaarsimaartarfimmilu najugaqartut akeqanngitsumik nerisaqarnerminnut ineqarnerminnullu aamma akileraaruserneqartartussaani.

Sulinal

Oqa. 34 60 81

Telefax 34 65 77

sulinal@nanoq.gl**Akileraartarnermut Aqutsisoqarfik**

Intaleqqap Aqqutaa 1

Postboks 1605

3900 Nuuk

Oqa. 34 65 10

tax@nanoq.glwww.aka.gl